

KOMMISJONSVEDTAK

av 9. juli 1997

om ei felles teknisk forskrift om krav til tilkøpling av terminalutstyr for felles tilgjengeleg (GAP) bruk av digital utvida snorlaus telekommunikasjon (DECT)(*)

(97/525/EF)

KOMMISJONEN FOR DEI EUROPEISKE FELLESSKAPA HAR -

med tilvising til traktaten om skipinga av Det europeiske fellesskapet,

med tilvising til rådsdirektiv 91/263/EØF av 29. april 1991 om tilnærming av medlemsstatenes lovgivning om teleterminalutstyr samt gjensidig anerkjennelse av utstyrets samsvar⁽¹⁾, endra ved direktiv 93/68/EØF⁽²⁾, særleg artikkel 6 nr. 2 andre strekpunktet, og

ut frå desse synsmåtane:

Kommisjonen har vedteke eit tiltak for å klarleggje kva type terminalutstyr som ei felles teknisk forskrift bør omfatte, og den tilhøyrande fråsegna om verkeområdet for forskrifta.

Dei tilsvarande harmoniserte standardane eller delar av dei som dei grunnleggjande krava skal gjennomførast ved hjelp av, og som skal gjerast om til felles tekniske forskrifter, bør vedtakast.

For å sikre at marknadstilgangen vert halden ved lag for produsentar, er det naudsynt å fastsetje overgangsføresegner for utstyr som er godkjent i medhald av kommisjonsvedtak 95/525/EF⁽³⁾.

Vedtak 95/525/EF bør opphevast frå utgangen av overgangsperioden.

Den felles tekniske forskrifta som er vedteken i dette vedtaket, er i samsvar med fråsegna frå Utvalet for godkjenning av teleterminalutstyr (ACTE) -

GJORT DETTE VEDTAKET:

Artikkel 1

1. Dette vedtaket skal nyttast på radioterminalutstyr for digital utvida snorlaus telekommunikasjon (DECT) som nyttar

(*) Denne EF-rettsakten, kunngjort i EFT L 215 av 7.8.1997, s. 52, er omhandlet i EØS-komiteens beslutning nr. 116/98 av 18. desember 1998 om endring av EØS-avtalens vedlegg II (Tekniske forskrifter, standarder, prøving og sertifisering), se denne utgaven av EØS-tillegget til *De Europeiske Fellesskaps Tidende*.

(1) TEF nr. L 128 av 23.5.1991, s. 1.

(2) TEF nr. L 220 av 31.8.1993, s. 1.

(3) TEF nr. L 300 av 13.12.1995, s. 35.

frekvensbandet 1 880-1 900 Mhz og er meint for direkte eller indirekte tilkøpling til det offentlege telenettet, og som fell inn under verkeområdet for den harmoniserte standarden som er nemnd i artikkel 2 nr. 1.

2. I dette vedtaket er det fastsett ei felles teknisk forskrift som omfattar krav til felles tileggenleg (GAP) bruk av det terminalutstyret som er nemnt i nr. 1.

Artikkel 2

1. Den felles tekniske forskrifta skal femne om den harmoniserte standarden som det rette standardiseringsorganet har utarbeidd, og som dei grunnleggjande krava i artikkel 4 bokstav d), e) og f) i direktiv 91/263/EØF så langt råd skal gjennomførast ved hjelp av. Tilvisinga til standarden er oppført i vedlegget.

2. Terminalutstyr som dette vedtaket omfattar, skal vere i samsvar med den felles tekniske forskrifta som er nemnd i nr. 1, og skal stette dei grunnleggjande krava som er nemnde i artikkel 4 bokstav a) og b) i direktiv 91/263/EØF, og krava i andre direktiv som gjeld for utstyret, særleg rådsdirektiv 73/23/EØF⁽⁴⁾ og 89/336/EØF⁽⁵⁾.

Artikkel 3

Når det gjeld terminalutstyr som kjem inn under artikkel 1 nr. 1 i dette vedtaket, skal dei melde organa som er peika ut til å gjennomføre dei rutinane som er nemnde i artikkel 9 i direktiv 91/263/EØF, nytte den harmoniserte standarden som er nemnd i artikkel 2 nr. 1, eller syte for at han vert nytta, innan seks månader etter at det er gjeve melding om dette vedtaket.

Artikkel 4

1. Vedtak 95/525/EF vert oppheva seks månader etter at det er gjeve melding om dette vedtaket.

2. Terminalutstyr som er godkjent i samsvar med vedtak 95/525/EF, kan framleis marknadsførast og takast i bruk på det vilkåret at godkjenninga vert gjeven innan seks månader etter at det er gjeve melding om dette vedtaket.

(4) TEF nr. L 77 av 26.3.1973, s. 29.

(5) TEF nr. L 139 av 23.5.1989, s. 19.

Artikkel 5

Dette vedtaket er retta til medlemsstatane.

Utfërda i Brussel, 9. juli 1997.

For Kommisjonen

Martin BANGEMANN

Medlem av Kommisjonen

*VEDLEGG***Tilvising til den gjeldande harmoniserte standarden**

Den harmoniserte standarden som er nemnd i artikkel 2 i dette vedtaket, er:

Radio equipment and systems (RES); Attachment requirements for terminal equipment for digital enhanced cordless telecommunications (DECT); general access profile (GAP) applications

[Radioutstyr og -system (RES); krav til tilkopling av terminalutstyr for felles tilgjengeleg (GAP) bruk av digital utvida snorlaus telekommunikasjon (DECT)]

ETSI

Det europeiske standardiseringsinstituttet for telekommunikasjonar
ETSI-sekretariatet

TBR 22 — januar 1997
(utan forordet)

Tilleggsopplysningar

Det europeiske standardiseringsinstituttet for telekommunikasjonar er godkjent i medhald av rådsdirektiv 83/189/EØF⁽¹⁾.

Den harmoniserte standarden som er nemnd ovanfor, er utarbeidd i medhald av eit mandat som er gjeve etter dei aktuelle framgangsmåtane i rådsdirektiv 83/189/EØF.

Den fullstendige teksta til den harmoniserte standarden som er nemnd ovanfor, kan skaffast frå:

Det europeiske standardiseringsinstituttet for
telekommunikasjonar
650, Route des Lucioles
F-06921 Sophia Antipolis Cedex

Kommisjonen for Dei europeiske fællesskapa
DG XIII/A/2 — (BU 31, 1/7)
Rue de la Loi/Wetstraat 200
B-1049 Brussel

⁽¹⁾ TEF nr. L 109 av 26.4.1983, s. 8.